



Komisija za privredu, ekonomsku i finansijsku politiku

Broj:01-05-2496/14
Sarajevo,18.02.2014. godine

POSLANICIMA/ZASTUPNICIMA U SKUPŠTINI
KANTONA SARAJEVO

VLADI KANTONA SARAJEVO

Komisija za privredu, ekonomsku i finansijsku politiku Skupštine Kantona Sarajevo, na sjednici održanoj dana 18.02.2014.godine, u okviru nadležnosti utvrđenih Poslovnikom Skupštine Kantona Sarajevo, razmatrala je materijale za 33. Radnu sjednicu Skupštine Kantona Sarajevo i u skladu sa članom 27. Poslovnika Skupštine Kantona Sarajevo podnosi Skupštini sljedeći

IZVJEŠTAJ

1. Prijedlog zakona o taksi prijevozu u Kantonu Sarajevo

Komisija *nije razmatrala* Prijedlog zakona o taksi prijevozu u Kantonu Sarajevo, jer sjednici nije prisustvovao predlagač, niti njegov predstavnik.

2. Nacrt budžeta Kantona Sarajevo za 2014.godinu

3. Nacrt zakona o izvršavanju Budžeta Kantona Sarajevo za 2014.godinu

Komisija je obavila jedinstvenu raspravu o Nacrtu budžeta Kantona Sarajevo za 2014.godinu i Nacrtu zakona o izvršavanju Budžeta Kantona Sarajevo za 2014.godinu i *većinom glasova* (4 ZA i 1 SUZDRŽAN-Želimir Bukarić) se složila da mogu ići u Javnu raspravu.

Komisija za privredu, ekonomsku i finansijsku politiku je jednoglasno donijela sljedeći ZAKLJUČAK kojim se traži:

- od Vlade i Ministarstva finansija Kantona Sarajevo da dodatno pojasni član 25. Nacrta zakona o izvršavanju Budžeta Kantona Sarajevo za 2014.godinu, a u smislu dugoročnog zaduženja od 232 miliona, te kratkoročnog zaduženja od 30 miliona revolving kredita,
- da Vlada odmah počne sa pregovorima sa Sindikatima o izmjeni kolektivnih ugovora, a u cilju smanjenja troškova,
- da Vlada Kantona Sarajevo za prvu narednu sjednicu Skupštine pripremi Izvještaj o realizaciji Ugovora za rekonstrukciju postrojenja za prečišćavanje otpadnih voda na Butilama u Sarajevu i način realizacije kreditnih sredstava Svjetske banke i
- da Vlada ispoštuje Zaključak Skupštine Kantona Sarajevo o izdvajanju sredstava za poticaje u poljoprivredi u iznosu od 1 %.





4. Nacrt zakona o izmjenama i dopunama Zakona o sudskim taksama

Komisija za privredu, ekonomsku i finansijsku politiku je nakon sadržajne diskusije *jednoglasno* usvojila Nacrt zakona o izmjenama i dopunama Zakona o sudskim taksama.

5. Prijedlog odluke kojom se vrši promjena osnivača i usklađivanje djelatnosti sa Klasifikacijom djelatnosti Bosne i Hercegovine u privrednom društvu Hotel „Maršal“ Bjelašnica d.o.o

Komisija je *jednoglasno* usvojila Prijedlog odluke kojom se vrši promjena osnivača i usklađivanje djelatnosti sa Klasifikacijom djelatnosti Bosne i Hercegovine u privrednom društvu Hotel „Maršal“ Bjelašnica d.o.o.

6. Prijedlog odluke o izmjenama i dopunama Odluke o usklađivanju statusa Javnog preduzeća „Kantonalna veterinarska stanica Sarajevo“ sa Zakonom o javnim preduzećima u Federaciji Bosne i Hercegovine

Komisija je *jednoglasno* usvojila Prijedlog odluke o izmjenama i dopunama Odluke o usklađivanju statusa Javnog preduzeća „Kantonalna veterinarska stanica Sarajevo“ sa Zakonom o javnim preduzećima u Federaciji Bosne i Hercegovine.

PREDSJEDAVAJUĆI KOMISIJE

Eldar Čomor, s.r.



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210

Sarajevo, Reisa Džemaludina Čauševića 1

